

廣東攷古輯要卷七

山川二

惠州府

白鶴峯

歸善縣治後亦名鶴嶺輿地紀勝云相傳稱惠陽為鶴嶺以白鶴名峯紹聖中蘇軾安置惠州卜居於此

椽木山

縣北地產椽木宋陳堯佐守郡時建野吏亭蘇軾記其壁

子西嶺

縣城外宋博士唐庚謫居於此庚字子西故名

寅山

縣東北青松紫幹四衢皆竦下多茯苓見寰宇記

黃峒山

縣西相近口吳洞山雲集其上輒雨鄉人每以為候明吳高有詩

九龍山

縣東上有龍潭歲旱以鐵投之致雨

繇頭山

縣東北其山高大明嘉靖中巨盜楊立據此僉事尤瑛討平之

西湖

城西一名豐湖輿地紀勝豐湖廣袤十里治平間陳偁領經畫築堤截水宋林俛豐湖集序云湖之潤漑田數百頃葦藕蒲魚之利歲數萬民之取於湖者其施已豐故謂之豐

湖

宋陳堯佐楊萬里劉克莊明魏浣初有詩按杭穎二處皆有西湖東坡連鎖二州故表謝云入參兩禁每玷北扉之榮

出典二邦

輒為西湖之長晚謫惠州州亦有西湖焉故魏浣初詩有玉局文心絕代無天教到處欲西湖之句

東湖

城內一名塔子湖宋州守陳偁教民以牛車汲水入東湖漑田即此

釣潭

縣北江西有盤石可以垂釣東坡嘗遊之有詩

龍塘泉 城南沙子步水最宜茶唐子西以為不減清遠峽

船澳 縣上下淮都海濱宋丞相文天祥嘗駐師於此

浮碇岡 博羅縣城內相傳浮山初來碇石於此宋傅烈有詩

石鼓嶺 縣北嶺巔皆紫黑石一石圓徑五丈擊之有聲又名

神鉦

黃甲峯 縣北高五十丈邑人以山巖有光占驗科第

白水山 縣東北山有瀑布泉二十丈下有石壇佛跡甚異一

名白水巖宋蘇軾有記及詩

羅浮山 縣西北與增城縣接界後漢書郡國志博羅有浮山

自會稽浮往博羅山元和志云羅山之西有浮山蓋蓬萊之

一阜浮海而至與羅山並體故曰羅浮高三百六十大周三

百二十七里峻天之峯四百三十有二宋鄒師正有羅浮山

廣東攷古輯要 卷七

山川

二

指掌圖紀云遊山者自龍華寺有陳孝女昌福夫人祠七里登山初至

延祥寺唐明明月戒壇唐時度僧於此受戒百尺壇唐祭鐵佛像西域

御園柑子唐明中閣唐僧樓御書閣中藏宋太宗真宗仁宗賜

寶積寺宋初藏錫杖泉皇泰禪師銅佛像寺後羅漢巖伏虎巖隋僧惠越

其股佛跡石上山十里有大小石樓鐵橋峯上界三峯青羊

巖夜樂洞昔人聞仙犀牛潭試劍石在夜樂洞中軒瀑布泉

鳳凰谷鳳谷潭瑤石臺飛雲瑤池阿耨池景泰禪師夜樂

池阿耨塔梁蕭答建有泉源山玉鵝峯龍王坑景泰禪師說

聽上中下龍潭華首壇資福寺南樓寺去延祥之西五里餘

曰黃龍洞南漢於此七里壇獅子洞華首臺山背曰鳳凰岡

雲母溪循延祥而東七里餘抵冲虛觀葛仙所居丹竈有東坡書

西交冠塚葛仙尸解蓬萊閣後遺履鮑仙葛仙所談之所銅玉皇像

及二侍從三尊南漢所觀後朱明洞宋真人朝斗壇黃野人

庵野人葛仙釣魚臺青霞谷野人洞即王子書堂坑觀之北

曰酥醪觀麻姑峯南曰觀源洞昔仙洗西北曰幽居洞有鄭

堂滴水巖長壽觀本南漢天華宮中路直上君子巖雲峯巖

其下蝴蝶洞何多蝴蝶云是前曰水簾洞張秘書留承天漢

橋路出藥槽其下為流杯池昔有八仙會飲於此側羅浮石

刻東龍潭自冲虛觀出會仙橋抵明福觀南漢迺遷到石洞

即鄺仙騎小水簾洞白鶴觀東北至蛇穴單道開蟬又東至

蓬萊洞了髻峯有劉仙壇劉高尚峯下有試劍石有羅陽溪

東林寺山之東西有香臺會真櫻桃拋球刀子錦繡黃猿鉢

孟致雲大旗小旗雲母諸峯又有金沙石白朱陵太和赤石

廣東攷古輯要

卷七

山川

白雲諸洞奇巖秀岑喘流怪石不可名狀宋蘇軾有遊羅浮

題名記梁蕭譽有銘宋謝靈運有賦齊江淹陳陰鏗唐劉禹

錫宋楊萬里留元宗明歐大任有詩

石鑑 縣羅浮山石樓之南稍東近孤青峯有一石光彩如鑑

石下有黑白棋子十八枚往來相盪元人拈之不起名曰仙

弈

七曜洞 縣境唐元宗嘗獲古樂器於此王維有賀表

榕溪 縣西明潘勗有詩

麻姑池 縣羅浮山麻姑峯下一名白蓮池宋蔡元厲有詩

溫泉 縣東北白水山下熱不可濯宋古成之有記

五坡嶺 海豐縣北宋景炎戊寅文天祥自潮陽走海豐方飯

元千戶王惟義執之吞腦子不死即此處

黑龍山 縣西北寰宇記山在大海之上嘗有黑龍潛於山穴時與雷雨騰翔海水因名

大溪嶺 縣西明景泰時驛路經此瑩以石舊有石亭今廢

大金龍山 縣西南山形如龍鎮長河海口按龍本作龍宋端宗易今名

旗峯山 縣東山狀如旗半枕海上有石高二丈五尺面方二丈宋太宗祥符間大中大夫陳謨寓此書桂林二字

漲海 縣南宋文天祥嘗率舟師駐於此

麗江 縣南宋景炎二年文天祥走惠州收兵出海豐次於麗江口是也今有御宴潭相傳宋端宗賜宴於此明彭祚有御宴潭詩

新濬水 縣東南沃野一望四百餘丈舊水道不通舊民有東

廣東攷古輯要

卷七

山川

四

西溪之別宋師至此不得渡鑿而通之上五里有嶺號宋師嶺

犀頭山 陸豐縣北狀若犀牛在大安水口下有小潭土人常以水之淺深驗其地之貧富號爲聖潭

鷹嘴嶂 縣北狀如鷹嘴中有石巖每遇天陰欲雨則狀如飛烟散霧轟震之聲從山中出聞十里以外若霖雨欲晴亦然土人以驗天時百不爽

內洋山 縣東北巨石對峙循徑而入山澗屈曲明季賊首楊子亮所據巢立六營今居民叢集改曰內洋

腹石山 縣甲子門所有宋帝陸相遺像今半明滅

甲子川水 縣東南海口有大石壁立上下各有六十甲子字故名宋端宗自閩航海嘗駐於此

逍遙巖 河源縣南源廣幽靜宋進士何天隱闢明成化中邑人即隅居之益以嘉禾美箭巽石奇卉引泉爲池其西有栖賢寺

牛鼻山 縣北南越志云山去赤岸四十里西有夫廬山有湖冬夏常盈每至甲戌嘗聞歌管鞀鼓之音

平陵山 縣西中有滴水巖又有通海巖空洞而暗以火照之乃見有石水注於竇沉沉有聲深不可測

山峯嶂 縣東北尖峯如筆下有石穴盛夏無暑隆冬溫然巔有二石平坦可坐數十人天然棋盤相傳仙人弈此產仙茶味極甘美

灑湖 縣上城東門外明萬厯分守道鄭邦福知府林國相邑人李燾請於制府陳彙捐金加厚萬年基二丈餘以瀦湖水

廣東攷古輯要

卷七

山川

五

爲衛城之計一名制府湖

浸珠湖 縣南縣山龍脈由此過峽名雙龍夾脈又曰養龍池明萬厯己酉縣治遷建於此驪龍吐珠李燾易其名曰吐珠泉

循江 縣北卽新豐江寰宇記云循江一名河源水自虔州雩都縣入龍川在河源縣有龍穿地而出卽水流也按隋書地理志河源縣有修江當卽循江修循字體相似而誤耳元和郡縣志隋開皇十年置循州取循江爲名可證修字之悞王象之輿地紀勝等書分修江循江爲二水謬矣

龍穴山 龍川縣城北漢書龍川縣有龍穴吳都賦目龍川而帶垌者也南越志云聯巖亘地累嶂分天常有五色龍乘雲出入此穴

白雲洞

縣北白雲常聚其上故名一曰白雲山宋韓京有詩

龍臺巖

縣東巖下為寺寺前有池相傳有龍蟄焉巖左有石

刻云宋紹興十九年二月乙卯建州觀察使韓京守循率賓

僚勤農於此

敖山

縣北一名熬山輿地紀勝云有三潭龍藏焉東有天厨

峯西有天柱峯其上有熬峯書院遺址

霍山

縣東北秦時有霍龍者龍川人避亂隱此遇真人授以

金液還生丹功成仙去後人因以霍名山山頂高七千七百

七十丈周三百六十里峯巒聳秀凡三百六十可居者七十

有二多海中草木上有石壇唐曹松明施儒鄭達有詩

大雪小雪二山

縣西北隆冬積雪彌月不消宋韓京有詩

東江

縣北即龍江漢書地理志注引裴氏廣州記云本博羅

廣東攷古輯要

卷七

山川

六

縣之東鄉也有龍穿地而出即穴流泉因以為號

熬湖

縣西北湖中有水心寺環以蘇堤宋蘇軾有詩

趙佗井

在今光孝寺二門少西昔堙今浚其泉清冽唐韋昌

明有越井記

東山

和平縣東形如豎旗古讖云東山成市公卿立至

仙女嶂

縣東上有奇石形如仙女旁有數足跡歲旱鄉人祀

以牲醴而以牲毛血和泥沙塗其跡須臾雲興雨至洗去泥

沙方止至今有驗

龍歸巖

縣西南巖內昏黑入者秉燭循水而行寬處可容五

人狹處纔二人約十里有旁孔名石舍又十里有正孔名中

管土人云春澗巖中流出竹木皆自石舍中管來竟不能窮

其處也明嘉靖六年推官李喬木征峒賊至此秉炬入三四

里照見壁間有景炎元年龍川主簿嚴某題一絕句模糊不能讀

羊角山 縣北相傳山有金鼓聲金則兵起鼓則兵息明正德中征池大鬢嘉靖初征曾蛇子屢有驗

荆溪水 縣西北一名和平水亦日上中下三荆水龍川長樂龍南安遠四縣交接之道閩廣江西潤澤之區王守仁云三荆之地守之足以控諸賊之咽喉不守則爲狐鼠之窟穴蓋以山溪深險故也

白羊潭 縣南淵深莫測巨石巉立水中相傳有白羊顯靈跡於此

雲鬢嶺 長甯縣西遠望若螺髻然上有石洞洞內有銀牀玉几清泉湧出瀑布如練相傳昔有樵夫遇仙姑於洞口故又

廣東攷古輯要

卷七

山川

七

名仙女峯

嶽城山 縣東北峭壁四周若城垣然中有香爐仙跡相傳宋白玉蟾煉丹於此

雪洞山 縣北中有大小二峯嶺南地煖獨此二峯春猶積雪虎跳潭 縣西澄波滌洞深莫可測春水暴怒山鳴谷應舟不敢行其中有高唐石石床丹竈在焉

聞慶嶂 永安縣東舊名紫簾嶂宋帝昺旣航海丞相文天祥收敗卒屯此嶂夜聞黃鸞鳴遂徙南嶺因名其塞階石尙存南嶺 縣東南宋末文天祥收散卒自聞慶嶂徙屯於此後人呼爲忠臣嶺嶺上天祥手植桂樹猶存又天祥軍中夜無燭命採生竹然之光照人至今土產江南竹卽當時所然者梅花嶺 縣西五嶺攢聚狀如梅花故名有巖十尋路甚狹隘

累足而入宏邃高曠遠望無際

琴嶺 縣東其狀如琴琴江得名於此

高洋水 在南嶺下一名毒水飲者多死相傳唐時鄒太尉督

兵至此士卒中毒祝天遂止至今泉氣如呼吸隨出隨沒而

水不流

按唐無鄒太尉祝者或天祥之偏神鄒鳳也

聖跡巖 通平州東北洞口崎嶇中深廣容五百餘人上竅虛

明可以遠眺有水不涸洞後有涇直出藍州土人避兵居之

一名避世巖四時有燕巢於內又名燕子巖宋韓京有記薛

世瞻魏科杰何琛有詩

九連山 州東高二千餘丈周五六百里東連龍川河源南連

博羅增城龍門從化西連翁源英德北連龍南環通九縣因

名明正德中三泐餘賊屯聚此山四面峻險惟一面可上顛

廣東攷古輯要

卷七

山川

八

撫王守仁設計克之

仙人山 州西高峯千仞嶂如列屏頂一巨石平如砥有仙人

履跡

大嵩徑 在縣野鴨潭逕口導九蓮水出油溪四時花鳥不斷

恍如桃源谷口有巨石壁立峭拔明河源進士李中丞畫磨

巖題曰大嵩逕

黃牛仙石 縣北前峯插雲傳爲漢曾亥修煉處石頂餘址猶

存

石人嶂弈跡 縣城北石立半山如人狀其上端平可坐有對

弈仙跡

撐腰石沙洲 縣南石高數丈臨涯如柱水深無底中一沙洲

清澄可鑑科年遇浮水面入闌多雋諺曰水在沙洲鹿鳴呦

叻

潮州府

金山 海陽縣北一名金城山有金姓者居之故名宋祥符間知軍州事王漢始闢其勝漢有記山巔名獨秀峯有西暉鳳凰二亭及隱石仙遊洞諸勝元末廢明萬曆間知府徐一唯建石坊曰東南最勝右有金山庵庵西有巖瞻臺下有伏虎石明總兵官俞大猷爲之銘臺後石刻拙窩二字又刻周敦頤拙賦於其上右有石數峯其清暉同趣四字則元至正間總管王翰筆也最上有橋曰橫鶴後有超然臺副使任可容建上平坦可坐數百人

韓山 縣東亦名筆架山下有韓文公祠祠左有侍郎亭亭左有宋陸丞相祠祠左有寧波亭文公祠旁有木郡人以其花

廣東攷古輯要

卷七

山川

九

之繁稀卜科第盛衰因名韓木山下有韓江宋陳堯佐劉允有詩

湖山 縣西北其陽有湖故名又名銀山與金山並勝唐貞元間御史中丞李宿建觀稼亭於其上宋元祐間知州鮑粹訪其遺蹟重建爲閣左右建二亭曰乘風待月慶元間知府林鏐濬古放生池而跨以橋淳熙間知州劉希仁更放生池曰惠愛沿堤而上建亭曰晴雨菴曰止水立華表於橋東建虎拜亭於湖南道旁今俱廢惟雁塔石仙人跡尚存

九郎山 縣東北起伏有九故名寰宇記云縣有九侯疑卽此海洋山 縣北南望大洋晉名縣以此

桑浦山 縣西南山勢蜿蜒產茶北麓多桑故名其巔有塔旁有井秋冬不竭

獅子山 縣西南以形似名上有石巖在其巔廣一丈宋嘉定二年建石浮屠曰獅子塔

甘露巖 縣西南相傳有孝子廬墓於此而甘露降故名

西湖 縣西南湖山之下宋慶元間知州林嶸開濬湖心有亭歲久湮沒宋許騫有記

東湖 在韓山之後四山迴環荷花彌望柳陰夾植湖中亭曰湖山觀曰清暑曰水月曰友堂

意溪 縣東五里舊名惡溪又名鱷溪嘗有鱷魚爲患唐韓愈作文以驅之宋咸平間通判陳堯佐亦斬鱷魚於此有戮鱷魚文

東山 潮陽縣東韓昌黎嘗遊於此

白牛巖 縣東南巖中有泉曰卓錫唐大顛禪師居此明吳紹

廣東攷古輯要

卷七

山川

十

宗有記

白嶼 縣北郡國志潮陽有白嶼自海浮來後會稽人姓丁識之云曾藏銅熨斗於洲上往取果得

曾山 縣西雙峯並峙航海者望以爲表寰宇記山多文貝可以解毒

河山溪山 縣北上多草木鳥獸石巖天成無路可通僧大顛闢之

錢澳山 縣東南爲海船灣泊之所宋文天祥嘗登此以望帝舟其北曰鍾南山臨於滄海之上有石曰鎮海將軍西有牛角睡虎伏龍等石及宋元題刻

大湖山 縣東南南臨大海下有龍潭韓昌黎集有祭龍潭文卽此

靈山 縣西少北唐僧大顛居此下有卓錫泉山頂有留衣石  
後人因昌黎留衣於此遂建亭焉

麻田山 縣北宋逸士吳復古隱此有遠遊菴東坡爲之銘山  
有蟹眼泉飲之可以已疾

西豐水 縣西郡國志水中有銀石臨水穴中有銀瓶不可取

黃岐山 揭陽縣北上有石湖四時不竭絕頂有石浮圖下有  
二巖東巖曰竹岡相傳宋邑人陳希汲讀書於此元祐中舉  
經明行修第一目爲廣南夫子故又名陳夫子巖西巖曰松  
岡有石門石室諸勝

梅岡山 縣東北挺拔秀異有石刻梅岡第一山五大字

菱池山 縣東南三峯插天中有深池數十畝林木巖泉之勝  
甲於境內下有石巖形如獅子可容千人以杖撞之傳聲響

廣東攷古輯要

卷七

山川

十一

應

貴人山 縣西北相傳隋時義安郡丞陳洪留居於此洪子政  
以武功著政子元光鎮撫漳潮贈豹韜衛大將軍鄉人以陳  
氏累世貴顯因名其所居爲貴人山村曰貴人村

仙徑山 縣西形如覆盂其麓有竇僅容人行行數十步空洞  
寬敞莫窮其際中有流泉相傳爲古人避世處

瘦牛嶺 縣西一名雲落山舊傳有銅鐵佛像寶貝之類宋黃  
公度揚萬里有詩

石頭溪 縣西南溪中有石截江而渡其形似馬激潮怒濤聲  
聞數里龍鼉多伏其下

雙溪口 縣東南南北兩溪會於此明天啟間海寇闖入乃填  
石於溪中以扞賊舟凡七堆名爲七星石

鳳凰山 饒平縣西北高六百丈綿亘一百餘里爲一縣巨鎮  
古諺云鳳凰山嘯西湖平代代出公卿

尊君山 縣北狀若朝士執笏故名山阿有尊君菴

蓮花山 縣西南山巒五開如蓮花故名宋潮州士人陳肅講  
學於此明邱世鑰有詩

留嶺 縣東相傳仙人牽牛度此今石上有小牛足跡

九龍潭 在半徑村相傳昔有龍潛於此禱雨輒應

虎頭山 重來縣東兩石夾峙如門其中空洞外望若虎之昂  
其首

光華山 縣東元末兵亂土人結砦於此

石牛山 縣西元末趙師王據山下今遺址尙存

普陀巖山 縣西北旁有廢寺舊址相傳唐僧大顛隱此夜聞

廣東攷古輯要 卷七

山川

十一

海潮聲遁去至今山中荔枝百株其手植也遺一飛來鐘追  
蠡僅懸其年月日不可辨

千秋鎮山 縣西宋處置使鄒鳳嘗駐兵於此勒銘石上

透龍湖 縣西北周三十丈深不可測相傳雷震地裂遂成巨  
浸

雙髻山 天埔縣南中有石室可坐百人唐慚愧禪師曾住此

鳳翔山 縣西爲三河新寨主山寰宇記一名翔鳳山昔有爰

居來集因名下有鳳凰水山多相思樹樹中有神形如人被  
髮迅走山海經云南方顛有巨人人面長唇黑身有毛反踵  
見人笑亦笑唇蔽其面因卽逃也郭景純云卽臯陽

銅鼓嶂 縣南古爲賊巢明崇正辛巳間鍾陵秀據此

陰那山 縣西五峯連峙狀如火焰俗名五指峯下有陰那坑

出泉清冽

蛟潭 縣西北其深莫測相傳昔有蛟孕其中後來風雨騰去皇子殿山 澄海縣北舊名龜山一名覆盆山又名北殿山相傳宋太子過此設行宮故名

蓮花山 縣北山勢排奐奔放五峯巔岬若蓮故名又名白石山絕頂一玉井腰有天池細流涓涓出石罅中百花洞在兩峯前岩間懸崖古松如虬盤洞口瑰異萬狀

鳴洋 卽大洋聲起若雷東風西兩海人候之  
飛錢港 縣北相傳有錢飛水上故名

烏山 晉甯縣距縣三十里峻壑幽林烟磴曲折路轉峯迴引人人勝上有石室擴爲梵宇曰烏山巖

馬嘶嶺 距縣四十里上接懸崖下臨深澗前有巨室若蹲踞  
廣東攷古輯要 卷七 山川 三

及侍立狀又有石橋通前山之阜環巖皆老樹古藤穿雲遮日流泉直通齋厨相傳爲唐大顛初創道場

望夫石 距縣五十里疊嶂層峯直插雲漢絕頂有巨石卽望夫石也水簾百丈懸空而下

飛泉嶺 豐順縣南壁立萬仞周數十里層巒疊嶂有泉飛空而下如瀑布因名宋朱晦菴過此書落漢鳴泉四大字於嶺並有詩云梯雲石磴羊腸遶轉壑飛泉碧玉斜一路風烟春淡泊數聲雞犬野人家嶺巔有石塔嘗吐氣如雲黑土風白主雨

鷲公髻山 在羅家約山下有泉泉分流清漣可愛內一泉獨濁呼爲汶水岫山形隆起如鷲髻故名

龍嶂山 縣西上有九十九墩墩狀各異虎豹龜蛇爲類不一

頂廣二十丈盤繞如龍土人稱爲九十九龍嶂

溫泉 縣西北有泉從地湧出可以熟物

肇慶府

定山 高要縣城北一名石室山唐天寶六年改爲嵩臺山南越志云縣有石室自生風烟南北二門狀如人巧意者以爲神仙之下都因名爲嵩臺山中有石燕唐李邕有記鑄石存焉連屬有七星巖一曰石室巖一曰屏風巖一曰閭風巖一曰天柱巖一曰蟾蜍巖一曰仙掌巖一曰阿坡巖列侍如北斗狀

寶月臺 縣北平地突起高二丈周一里望之如臺宋人建星巖書院於其上今廢

王侯峯 縣東南宋元豐中郡守王泊葬其下因名

廣東攷古輯要

卷七

山川

古

北嶺 縣北七星巖後峯巒連屬若屏嶂然中一峯雄峻名將軍嶺蓋石室之支阜也其前爲雙源洞有泉自石根出掬之微温多敗葉流出旁多怪石相傳銀盒覆其下

石洞 縣北巖穴幽邃南北二門上虛通天與星巖相去不遠西水泛漲巖之沒者數丈惟洞隆然屹立水中世傳其洞能浮

小湘峽 縣西群峯列岫連延環繞水經其下多良材美竹宋皇祐四年儂智高犯端州州守李寶臣曰若得兵數千伏小湘峽可必勝也見陳桎續通鑑

高峽山 縣東卽高要峽與爛柯山對峙江流至此夾束而出相傳山有羊化石因名鈴羊峽又名靈羊亦名零羊古有峽山寺唐沈佺期峽山寺賦稱端溪妙境卽此元范梈有詩

苟徑山 縣西南相傳爲陳高祖攏掘鑿之處砌石存焉見輿地紀勝

頂湖山 縣東北產茜草上有湖四時不竭山半有白雲古刹遼寺產佳茗有龍頭石大窩圩羅漢橋涅槃臺石飛水巖諸勝道書以爲第十七福地

爛柯山 縣東南峯如卓筆一名腐柯山又名斧柯山郡國志云昔有道士入山採桐爲琴遇赤松子安期先生問答而斧柯爛後人鐫爛柯處三大字於石上其麓二石巖產端硯之所

騰豨山 縣西北山勢險峻南越志云騰豨沐猴之類頭正方髮長尺餘色類犬似人髮常覆面欲有所視輒搖頭兩手披開之

廣東攷古輯要

卷七

山川

五

勞山 縣東山徑險狹樵者勞焉因名

銅鼓山 縣西有赤石如鼓扣之有聲故名久晴山色冥黑則雨久雨山色鮮露則晴郡人以爲陰晴之驗

東沙州 在羚羊峽之東一名中心州卽宋包拯擲硯處

洗硯池 縣西北宋郡守包拯所鑿

包公井 縣東宋康定間郡守包拯所鑿

金岡山 西會縣北一名金山出金沙廣州記曰縣有金岡行人往往見金人於岡側上有登金亭又有濂溪書院今俱廢

鳳翔山 城東邑人以科第顯者多出其下俗名社山

倉岡山 縣西林巒聳秀舊傳僞漢劉氏常建倉貯兵儲於上故名

鳳頭岡 城東北宋淳熙丁酉邑宰蘇邦平縣基得古碑乃鹿

鳴燕士詩有龍嶺行歌龍已化鳳頭將見鳳齊鳴句見輿地紀勝

烈女山 縣西南輿地紀勝云昔有貞女許嫁而夫死於虎女歸夫家父母欲奪其志乃潛遁此山求之莫知所在傳以爲仙去

思子山 縣東輿地紀勝云隋末藉民爲兵有嫗止一子亦預後思子登此望之悲哽而絕故名

扶廬山 縣東上有湖四時澄澈花木繁茂相傳甲戌日有管絃音昔六祖嘗隱此以廬姓故名下有六祖庵今廢

石澗山 距縣六十里有泉一穴舊傳穴中有巨鯉每游泳不數日必雨見輿地紀勝

祀山 縣境寰宇記云嘗聞笙歌之聲以爲越王之靈

廣東攷古輯要

卷七

山川

六

烏龍潭 縣西潭底石隙中產佳魚味如江鱠宋李時中詩云烏龍潭下鮮魚酢白馬山前苦笋羹

龍山 [新興]縣南蜿蜒如龍山有龍山寺爲曹溪第六祖廬能托生地其故居卽寺前地

天露山 縣東南輿地紀勝云山有巨石泉出其旁深丈餘魚物其中

利山 縣北南越志云山多沉香木

思防山 縣東北山形峭拔登之則防阨危

觀江水 縣境寰宇記觀江水沸騰流水沉淪必無出者名曰河伯下封

三章溪 縣境南越志云允吾縣有三章溪溪有三派案允吾卽臨允新興爲古臨允縣地今三章溪之名不見記載 大

清一統志云新江有三源曰裏洞曰筆架曰龍山或卽古之  
三章溪也

射木山 陽春縣東南魏峩蒼鬱一名雲靈山雲幕其上則雨  
開則霽諺云晴不晴看雲靈

崆峒巖 縣西石壁穹窿半巖開一穴若洞門內深廣分前後  
洞透光生明中擎二柱石下懸若倒垂蓮肝肺狀者甚多常  
有水滴風颺之若雪花散落其凝成於下者可研爲粉名石  
乳粉前洞有龍牀上皆靈芝狀後洞皆白石瑩淨如金銀而  
常濕且多蝙蝠及石蓮子入者須以火右有懸石二扣若鐘  
鼓聲號石鐘鼓再入則半壁又開一大竇而明生焉攀躋而  
上仍可外望遠視其得名以空而有洞故也

鐵坑山 縣東南山盤旋產鐵宋胡銓游其處有詩

廣東攷古輯要

卷七

山川

七

馬鞍山 縣東南山頂有古瓦盤內載清泉登者掬飲將半次  
日復滿雖積雨不溢若有心尋求不可必得

三妹山 縣境輿地紀勝云劉三妹春州人坐於巖石之上因  
名

鸚鵡山 縣西南有巨石如鸚鵡明萬曆辛巳大雨山裂下成  
深潭又有奇石削八面者無數光瑩端正亦一異也

銅石巖 縣北西南有巖高二四丈深廣丈餘前有德慧禪寺  
上半壁平處有周愔頤祖無擇題名宋胡銓有詩

將軍岡 縣東岡巒起伏宛如波浪唐姜晦貶春州司馬嘗提  
兵陟岡禦獠賊因名又輿地紀勝云唐時有李將軍屯兵於  
此

雲浮山 縣西北高百餘丈雲浮水出其下一名泉山輿地紀

勝云陳霸先曾居此山上有偃松石牀舊基猶存

巨石山 縣西北南越志云山有二石室有懸泉飛瀑金膏銀燭靈芝玉髓之異其石自然成樓臺柱棟

連石山 縣境寰宇記云連石山至於重陽四晦則雞鳴雲中木棚水 縣西水清而急東北流穿巖底過一名甘婪水郡國志夷語以穴爲甘以穿爲婪甘婪者中州所謂穿穴也

慶林山 高明縣城北一名春富山明嘉靖初縣中大疫百姓建醮山巔鼓角喧闐時適知縣陳坡初任遣使持牒至壇宣讀不許竟醮其辭曰疫爲疹氣鬼或憑之非誣然聞爲善忠孝讀書之家皆不入家有長邑有令一也而入吾邑者罪在令令宜死不死令是鬼越法橫入罪在鬼文到亟去去不亟旦日吾請之上帝是夜邑中間鬼哭奔竄病者皆愈自是每

廣東攷古輯要

卷七

山川

六

陰晦夜山巔輒有光焰直射縣署及坡任滿遷去光乃息

歌樂山 縣西輿地紀勝云風起聲如音樂

文儲山 縣西羣峯峻嶒有飛泉漚而成淵名曰聖潭

范州水 縣東元初府東南之北港自府界羅鬱港引大江入境鄉民病潦至元四年塞之以港爲魚池內潦無洩新羅范州都復受其害明萬曆辛巳郡守王泮因民之請通港設寶名曰騰蛟港以港口魚埠十一梧州渡二與寶坦市墾永給修港之費自爲記萬曆丁亥郡守鄭一麟濬港通水建閘設橋亦自爲記

官棠水 縣東舊通大江元至正中泛溢爲害因築塞之

龍龜山 恩平縣西寰宇記云山形如龍下有龍穴往往輿雨云是龜又名龜山中有龍潭號聖水東面有穴清泉瀉出名

曰水磔

碧雲島 縣西澗從石落高約二十餘丈下注爲池池畔有釣魚石平衍能容十人仰觀飛瀑若捲簾然壁間時有五色虹文隱見左上小壑曰謫仙宮一蘿倒垂如畫而天漿滴滴自茗而落池前一石隆然負古木而起若雲屏然水流曲折而東兩山束之懸崖絕壁莫可攀躋循澗而出十步一池池石奇磊萬狀

石圍口山 縣西北卓立江口巖巖峭絕石壁刻元至正癸巳學正鄭文趨撰記字蘇蝕多不可曉

鴻嘴山 縣西北上有雙石頂綿亘數十里昔爲賊壘明嘉靖丙辰征雙石頂卽此

雲岫山 縣北舊有雲岫營接新興界明嘉靖三十五年征良廣東攷古輯要 卷七 山川 九

塘巢卽此山

灣雷海 縣南海勢灣曲潮聲如雷蛋戶居之非大海也

福星山 廣甯縣北圓秀如覆金城跨其上

落鞍山 縣西明統志相傳有青衣人乘白馬出山中俄墜地人馬俱失因名

圓嶺山 縣城北有九十九坑皆相似若失道必三日而後出

潭圃山 縣東南連山險峻至此甫平縣初建於此尋移今治

水槽嶺 縣東南唐羅隱南游過水槽嶺渴甚鑿石得水書清涼池三字於石上

石燕山 縣東巉巖多窟穴有石鐘石佛秋燕多蟄其中

烏龍潭 縣西多魚味甚佳

北嶺山 開平縣南一名北立山產白雲茶脈自恩平北來與

羅漢山相接明嘉靖二十二年僉事杜璉敗賊於此

獅子山 縣東北爲一方險要之衝明成化中僉事陶魯於此  
徑中立營開塹數百丈以禦西寇

梁金山 縣東相傳道人梁金修煉處

薛公巖 縣東北獅子山後一名寶光巖又名寂感巖上有石  
室深一丈五尺濶八丈有二泉出於石如乳冬夏不竭

香山 德慶州城北爲州之主山一名利人山產五色石上多  
香草

端山 州北其形端正故名方輿勝覽云有樹冬榮其子大如  
杯炙而食之味如猪肉

錦石山 城西上有石柱直插霄漢漢陸賈使南越尉佗與之  
泛舟至此賈默禱若佗肯稱臣當以錦裹石謝山靈使還遂

廣東攷古輯要

卷七

山川

二十

募人植花卉代錦後人立祠祀之見宋洪邁茂堅志一名濯

錦山

都計山 城東北相傳昔有仙人騎鹿遺跡

三洲巖 城東一名玉乳巖宋李綱書玉乳巖三大字有石室

懸乳皆蒼綠色自成觀音像石鐘地鼓擊之有聲巖內空洞  
可容數千人由洞至巔古今題詠甚多宋周敦頤題云濂溪  
周敦頤茂叔熙寧元年戊申季冬二十六日遊蘇軾題云東  
坡居士自南海還來遊武陵曰允明夫東坡幼子遇叔黨同  
至元符三年九月二十四日也宋祖無擇有銘元戴貞甫明  
陳獻章邱濬區大相有詩

焦石山 城東北山出焦石每歲人採之琢爲燒器見寰宇記  
又名社山

定林山 縣境山下有石方正似牀其旁羅生韶子堪食又有  
金林山一名思黃金山里人有岑班者入山採伐遇一寶珠  
徑圍五寸始爲石遂取以還及夜光明照耀舉柵朗然里人  
甚懼以火燒之光雖損頓更明徹猶照一室如白日客有請  
之千金遂秘而不出見袁宇記

書堂水 州東宋石處道讀書於此因名

陸溪水 州西舊有陸賈廟故名

夫號水 在州東出西源山其東十里爲思夫水亦出西源山  
並流入江相傳昔有人行役歲久不歸其妻思之哭而死夫  
歸未及家十里聞其妻之哭死也亦號泣而絕鄉人呼其村  
及水爲思夫號云

靈陵水 城東卽程溪水一名零溪水又名溫水水口有龍母

廣東攷古輯要

卷七

山川

三

廟漢建祀溫媪封爲龍母明洪武初封爲程溪龍母之神

東山 封川縣東形如屏障一名挂榜山輿地紀勝云舊於山  
下建三學

西山 縣西南卽錦錢山旁有石丈餘上有巨人跡遇旱以水  
洗之卽雨

封門山 縣東北峯巒秀蔚兩崖如門下有靈鼠石鄉人祀之  
歲不害稼

崑岡山 縣東北一名班石山其石五色故名山有風穴類苑  
云風出蒼梧者草多芳蘭

豐壽山 縣東北一名霹靂山相傳山有巨石雷震其一故名  
上有石池泉水湧出遇旱以其水禱則雨

麒麟山 縣北寰宇記云以居人莫麒麟姓名名之

白馬山 縣北石坡甚長飛泉如練明正德中撞巢其上參  
周用等討平之改名白鶴山

姚公石 縣北舊經云昔有人姓姚居之

靈洲 縣北上多蘆葦鳧鷖所棲潦水泛漲其洲不沒古傳與  
水爲浮沉因以靈名

昭埭山 開建縣東上有鼠石旁有三穴可容人居止其石上  
時多石斛見元和志

忠謹山 縣東北舊經云古人居此多謹直之言因名上有白  
鷺池廣圓十里四時不竭

石室山 縣東北萬石巍峩有如軒庭者有如奧房者亦名萬  
石嶺相近有石壁山亦以羣峯峻削而名

龍吟水 在縣金縷村莫狀元讀書堂山間水聲清響人呼爲  
廣東攷古輯要 卷七 山川 三

龍吟

狀元井 在忠謹山下井水清甘冬夏常滿因唐狀元莫宣卿  
得名

鶴山 鶴山縣城內其形如鶴因名置縣時卽以名縣知縣劉  
繼構亭其上顏曰鶴頂

三寶山 縣西相傳有珠光三炬山人往往見之故名產礪石  
雲粟山 縣西寰宇記南中風土惟稻無粟此山種粟卽成因  
名

烏臺山 縣境爲洗田四景之一萬山環繞一峯獨秀昔有仙  
人芳躅高人韻士每多題詠

石瀑岡 在縣坡山危石飲流奔濤齧岸其東澄江如練一瀉  
千里宋蘇軾謫僊過此留止旬日居人築亭以記其勝

七襄潭 在龍眠村黃沙窩坑有水潭大小七處形如甕口晴久內響如銅鼓則雨雨久甕響則晴靈驗不爽

龜齡井 在龜山下石竅出泉冽而甘明縣令丁積嘗憩山寺勸諭里民鄉人感德因嗜此泉易名留澤泉

高州府

廟岡山 茂名縣東舊立廣利王行宮於此

仙山 城西南寶宇記云潘茂名昇仙煉丹處上有昇仙觀又名昇真山一名觀山

東山 城東一名潘山山前有潘仙坡亦道士潘茂名煉丹之所中有石船丹竈

南宮嶺 城南爲縣南水口砥柱明王湛有南宮嶺晚眺詩

仙井嶺 城西北鑑水右旁有井世傳潘茂名煉丹仙坡烟從

廣東攷古輯要

卷七

山川

三

井出故名

銅魚山 城東與郡治相對賴仙翁作高涼風土歌云一條丁水銅魚寨三十年來舊相識見輿地紀勝山下有石井相傳井内生花是年必有登科第者

射狼山 城東北寰宇記云古老相傳昔有人射白狼於此

寶山 縣北形如圓珠故名圖經云有麀鳴則赦書至

龍湫山 縣東大小二巖聯峙有石室可容數百人曲折窈冥最爲奇勝巖前石壁有宋人鐫記云高涼郡東三十里有洞曲折數百步嶄絕異態其下有泉曰龍湫交流石間籟發如湧雲之狀巖木蒼鬱殆非人境明姚繼舜有記

高涼山 城東北圖經云羣山森然盛夏如秋因名

波浪山 縣界岡壟如波浪古老相傳海沫成山見寰宇記

武壇山 縣西輿地紀勝云其山圓淨如將壇

毛山 在寶山東晉邑人毛方隱此得服氣之法自少至老兩頰皆丹凡風雨水旱豐歉預以告人無不驗者

筆架山 縣東南三峯高聳形如筆架又名文筆山明知府孔鏞創潘仙亭其上遺跡尚存

鑑江 縣東北源出鑑山其水澄清如鏡故名

南洲 縣南霧嶺岡下有湖水方廣二里唐天寶二年因大風雨湖心忽湧出小洲至今生草木見寶宇記

龍灣井 縣東北古老相傳有龍蟠於此異跡尚存

流連井 縣東北室山賴仙人歌之室山流連井久立方知省見輿地紀勝

思前井 縣東寰宇記云潘真人煉丹之水味甚香美煎茶試

廣東攷古輯要

卷七

山川

三

之與諸水異力士奏取其水歸朝

響水山 雷白縣西山有高溜下流琮瑋故名

文字嶺 縣西與雙木山連山岐交加若文字然

洲山 在縣西南海中又西爲放雞山航海者皆以雞祀焉

帽澇山 城西北寰宇記云當亢陽山有雲如帽卽雨下卽帽澇水

龍潭山 縣北卽龍陣山世傳有龍潛於此故俗以龍旬呼之禱雨輒應

熱水山 縣西下有泉湧出熱如鼎沸上有石牀長二丈餘廣

七尺刻浴沂石三字浴溫泉畢多臥其上萬歷初年泉忽涼冷越八十餘年有過客云陽鬱爲陰熱鬱爲寒宜瘡導之三日後復溫

題字嶺 城北上有巨石卓立如牌字跡隱隱旁有馬蹄痕  
傳仙人乘馬題詩於此土人呼爲馬踏石

要龍山 縣東與雙甌上連賴仙翁作風土歌云巧妙四山雲  
岫落要龍雙甌月燈明見輿地紀勝

浮山 縣西北寰宇記云堯時洪水洪溢此山獨浮居人得免  
沉墊百上有湖一名湖山

羅浮山 縣西北白石峻峭世傳爲仙人牧羊所化  
鹹水湖 縣北四水皆淡一湖獨鹹說者以爲地竅通海

龍山 信宜縣東山勢險峻南有石孔約深五尺許謂之風窖  
北亦有石孔其深莫測謂之雨窖相傳有龍伏其中

大間山 縣西北界於茂名信宜之間故名中有石室又有石  
牀丹竈及巨人跡世傳昔有樵牧者見二叟偉服綸巾數至

廣東攷古輯要 卷七 山川 三

其室俄失所在  
趙山 縣北形勢險峻元時有徭人趙姓者依山而居故名頂  
有巨石而後每出翠雲

白馬山 縣北相傳有白馬隱見其上鄉人以為神遂立白馬  
廟於錢排石崖中產七根毛茶

思賢嶺 縣西北一名歐嶺元時有歐姓者居此因名  
雲黑嶺 在東滂甲與虎跳相對上有陳太保馬路若遇陰雨

聞炮響與鼓樂是年豐熟  
羅竇洞 縣南舊唐書地理志竇州以羅竇洞爲名水中有石

筓聳起形如小舸明嘉靖中好事者名爲小瀛洲  
吐珠江 縣東北源出大帽山水中石檻層疊而下瀑布可觀

雲哲水 在貴子三甲水中有石屋高一丈疊三層中有窗

戶透日光

龍灣 在縣扶龍灣上浮一圓墩水深十餘丈世傳米價低則浮昂則沉屢驗

龍母山 一化州城外東南隅一名南山與地紀勝云南山起於雷陽至本州城外拱於州治之右上有龍母廟俗又呼爲龍母山

石坑岡 城西南上有石高六尺周六丈左邊有文似龍形見寰宇記

石龜山 城西南上有大石形如龜扣之聲響若鐘

龍王山 州北周圍六十里上有天池相傳仙人羅辯騎白牛化爲龍舊設龍化縣及辯州本此一名來安山

石城山 州西北中低四面高聳如城爲州險隘明成化中湖廣東攷古輯要

卷七

山川

三

公威結寨於此一名古城山

鹿踏山 州西北山勢陡峻上有鹿踏仙跡

石碓山 州西北上有石如碓者五六相傳爲羅辯煉丹遺跡

羅江 州東一名陵羅水與地紀勝昔有陵羅二姓居一水之濱因名

平原江 州東水勢平順故名江中有沙洲名驪珠臺俗傳州爲龍而此其珠也下有蟠龍石

五級灘 城北自溫灘而上四十里有勾灘鮑灘瀟灘猴灘皆奇險總名五級灘

鳳井 城西一里濶三尺深一丈泉從石出久旱不竭

近信山 吳川縣西北相傳昔有仙棋客遊此

南巢山 縣西北昔有鶴巢於山樹故名

特呈山 縣西南山勢秀拔聳立海中明陳景廉有詩

特思山 縣西北圖經云峭然特起爲名一名文筆峯

和尚嶺 縣界卽望恩山宋天寧僧遇父於此故名

舊州湖 距縣一百二十里卽唐羅州陷處舊傳有白牛出州

人剝而食之地遂陷今稱爲龍窟禱雨取水於此

限門港 在城南三十里納三川之水於海兩岸沙堅逾鐵水

曲折而出舟極難行洵爲天塹

甬洲 縣南屹立海中當南北道乃電化犬牙相錯處續通鑑

綱目景炎二年帝欲往占城不果遂駐甬洲

三台山 石城縣治後有三峯北城跨其上東連城外白霧嶺

西連城外迴龍嶺共爲五峯聯絡如屏爲縣主山

紅頭嶺 在城西爲縣水口稍北有仙人竈石相傳爲仙人煉

廣東攷古輯要

卷七

山川

三

丹處

天堂山 縣東北元末民恃其險避寇於此獲免鋒鏑因名上

有水泉不涸

招義山 縣西圖經云昔有譚氏招義兵於此聚會以討僭耳

故名

九洲江 縣西北元和郡縣志廉江縣有龍化水卽此其江至

冬水淺沙渚露出有九故名

松明井 縣西南零綠海島中潮來則鹹潮去則甘冽如故